

Javne biblioteke u Vermontu

Što je javna biblioteka?

Javne biblioteke su mjesta za obrazovanje, zabavu i samopomoć, te nude priliku za učenje i samousavršavanje za ljude svih starosti i društvenih slojeva. Biblioteke obično nude materijale s kojima se posjetioци mogu upoznati, kao i mogućnost korištenja prostorija i prateće infrastrukture. Osoblje biblioteke stoji na raspolaganju za odgovore na pitanja i pomoć posjetiocima u korištenju biblioteke.

Što nude javne biblioteke?

Posjetitelji mogu besplatno koristiti većinu materijala biblioteke tokom ograničenog vremena i zatim ih vratiti u biblioteku. Među tim materijalima su:

- Knjige za odrasle i djecu
- Novine
- Ostali resursi
- Audio knjige i muzika
- Časopisi
- Filmovi

Većina biblioteka organizuje besplatne manifestacije za posjetioce. Postoje različite vrste aktivnosti koje nude biblioteke:

- Edukativne aktivnosti za odrasle i djecu
- Umjetničke događaje
- Javno čitanje knjiga i druge aktivnosti za djecu
- Muzičke događaje

Mnoge biblioteke svojim posjetiocima nude različite tehnologije. Vrste tehnologije mogu uključivati:

- Kompjuteri s pristupom internetu
- Besplatni WiFi
- Elektronske knjige
- Printere i skenere
- Online resurse i aktivnosti

Biblioteke obično imaju osnovne pogodnosti za posjetioce:

- Mesta za sjedenje
- Toalete i pitku vodu
- Stolovi za rad i pisanje domaćih zadataka
- Sobe za sastanke ili mirne zone za učenje

Kako možete postati član biblioteke?

Članstvo u biblioteci je besplatno za stanovnike grada u kojem se ona nalazi. Većina biblioteka će od vas tražiti da navedete svoje ime, adresu, broj telefona ili adresu e-pošte. Neke biblioteke će zahtijevati da pokažete identifikacioni dokument. Biblioteke ne otkrivaju vaše lične podatke, osim u slučajevima propisanim zakonom. U većini slučajeva za posjetu biblioteci nije potrebno članstvo u njoj.

Dobijte odgovore na pitanja

Bibliotekari su na raspolaganju da odgovore na svako pitanje koje bi korisnik biblioteke mogao imati o bilo čemu. Čak i ako bibliotekar ne može odmah odgovoriti na vaše pitanje, on/ona će napraviti pretragu i javiti vam se kad pronađe odgovor.

Dobijte informacije onlajn (baze podataka)

Pored knjiga, bibliotekari pružaju pristup informacijama onlajn putem baza podataka. Te baze podataka su besplatne za upotrebu i pune su članaka, e-knjiga, videozapisa i slika koje će vam pomoći sa svim potrebama za informacijama. One uključuju informacije za sve, od akademskog istraživanja do članaka i instrukcija za vaše kućne projekte i hobije, te su odlično mjesto da se informacije nađu onlajn.

Dobijte knjige

Bibliotekari vam mogu pomoći da pronađete knjigu kad znate naslov ili pisca. Oni također daju preporuke za vašu narednu knjigu na bazi vaših interesovanja i potreba za informacijama.

Vaša biblioteka možda nema svaku knjigu koju želite pročitati kad dođete tamo. Srećom, bibliotekari vam mogu pomoći da pozajmite knjige iz drugih biblioteka u svojoj državi i šire. Bibliotekari vam mogu pomoći da pozajmite knjige iz drugih biblioteka uz pomoć međubibliotekarske posudbe. Kad knjiga koju ste zatražili stigne, možete je pogledati i vratiti je direktno u svojoj lokalnoj biblioteci.